



## საქართველოს გარემოს დაცვისა და სოფლის მეურნეობის მინისტრი

### ბ რ ძ ა ნ ე ბ ა N 2-1029

30/10/2019

ქ. თბილისი

#### შპს „ჯეო ინვესტზე“ გაცემული გარემოსდაცვითი გადაწყვეტილების შპს „დაჩიზე“ გადაცემის შესახებ

2019 წლის 1 ოქტომბერს სამინისტროს ერთობლივი განცხადებით მომართეს შპს „ჯეო ინვესტისა“ და შპს „დაჩის“ დირექტორებმა. შპს „ჯეო ინვესტმა“ ითხოვა მასზე საქართველოს გარემოს დაცვისა და სოფლის მეურნეობის სამინისტროს მიერ გაცემული გარემოსდაცვითი გადაწყვეტილების გადაცემა შპს „დაჩიზე“ და ამ უკანასკნელმა კი ამავე გადაწყვეტილების მიღება.

სამინისტროს მიერ 2010 წელს სს საგზაო კომპანია „თბილისის“ ასფალტის წარმოებაზე გაცემულია №28 (19.05.2010) ეკოლოგიური ექსპერტიზის დასკვნა და №2-481 (20.06.2018) გარემოსდაცვითი გადაწყვეტილება. აღნიშნული გადაწყვეტილება კომპანიების ერთობლივი მომართვის საფუძველზე 2018 წელს სს საგზაო კომპანია „თბილისისგან“ გადაეცა შპს „ჯეო ინვესტს“.

„გარემოსდაცვითი შეფასების კოდექსის“ მე-15 მუხლის თანახმად, გარემოსდაცვითი გადაწყვეტილების მფლობელი უფლებამოსილია, გარემოსდაცვითი გადაწყვეტილება სხვა პირს გადასცეს. გარემოსდაცვითი გადაწყვეტილების გადაცემის შესახებ მინისტრის ინდივიდუალური ადმინისტრაციულ-სამართლებრივი აქტის გამოცემის საფუძველია გადაწყვეტილების მფლობელისა და მიმღების ერთობლივი განცხადება, ხელშეკრულება ან საქართველოს კანონმდებლობით გათვალისწინებული სხვა დოკუმენტი, რომელიც ადასტურებს გარემოსდაცვითი გადაწყვეტილების გადაცემის ფაქტს. სამინისტრო გარემოსდაცვითი გადაწყვეტილების გადაცემის თაობაზე განცხადებას იხილავს და იღებს შესაბამის გადაწყვეტილებას.

ყოველივე ზემოაღნიშნულისა და „გარემოსდაცვითი შეფასების კოდექსის“ მე-15 მუხლის საფუძველზე,

#### გ ბ რ ძ ა ნ ე ბ ა:

1. შპს „ჯეო ინვესტის“ ასფალტის წარმოებაზე საქართველოს გარემოს დაცვისა და სოფლის მეურნეობის სამინისტროს მიერ გაცემული გარემოსდაცვითი გადაწყვეტილება უვადოდ გადაეცეს შპს „დაჩის“;
2. შპს „დაჩიმ“ უზრუნველყოს საქართველოს გარემოს დაცვისა და სოფლის მეურნეობის მინისტრის 2018 წლის 20 ივნისის №2-481 ბრძანებით გაცემული გარემოსდაცვითი გადაწყვეტილებით დადგენილი პირობების დაცვა;

3. გარემოსდაცვითი გადაწყვეტილების სხვა პირზე გადაცემის შემთხვევაში გარემოსდაცვითი გადაწყვეტილების გადაცემა განხორციელდეს „გარემოსდაცვითი შეფასების კოდექსით“ დადგენილი წესით;
4. ამ ბრძანების ასლი გაეგზავნოს შპს „დაჩის“ და შპს „ჯეო ინვესტს“;
5. ბრძანება ძალაში შევიდეს შპს „დაჩისა“ და შპს „ჯეო ინვესტის“ მიერ ამ ბრძანების გაცნობისთანავე;
6. ბრძანების გაცემიდან 3 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
7. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. №6), მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი